

თბილისის “დინამო” გავიდა ნახევარფინალში

(კიევი, ჩვენი სპეც. კორესპონდენტისაგან)

30 აგვისტოს, კიევში, ეჟოვის სახ. სტადიონზე ჩატარდა საბჭოთა კავშირის თასის გათამაშების მორიგი კალენდარული შეჯიბრება ფეხბურთში. თამაშობდნენ თბილისის “დინამოს” და სტალინოს “სტახანოვეცის” ოსტატ ფეხბურთელთა გუნდები.

პირველი ტაიმის მე-28 წუთზე თბილისის დინამოელმა პაიჭაძემ გახსნა ანგარიში – 1:0.

პირველი ბურთის გატანას “სტახანოვეცის” მოთამაშეებმა ენერგიული თამაშით უპასუხეს. მე-35 წუთზე მათ გაიტანეს ერთი ბურთი.

ტაიმი დამთავრდა ფრედ – 1:1.

შეჯიბრების მეორე ნახევარში თბილისელებმა გააძლიერეს ტემპი. მე-15 წუთზე გავაშელის მიერ მოწოდებული ბურთი (ამ დღეს თამაშობდა მარცხენა გარემარზად) უნაკლოდ გამოიყენა პაიჭაძემ და გაიტანა მე-2 ბურთი. მე-26 წუთზე გარღვევაზე გავიდა ჯეჯელავა, რომლის მიერ მოფიქრებულად მიწოდებული ბურთი კარგად გამოიყენა გავაშელმა და გაადიდა ანგარიში. მე-28 წუთზე პაიჭაძეს 40 მეტრიანი გარტყმით გააქვს მეოთხე ბურთი, რის შემდეგ მდგომარეობა ანგარიშის მხრივ არ შეცვლილა. მატჩი დამთავრდა “დინამოს” გამარჯვებით – 4:1.

ამრიგად თბილისის “დინამო” გავიდა ნახევარფინალში. 6 სექტემბერს თბილისელები ლენინგრადში ჩაატარებენ ნახევარფინალურ მატჩს ამავე ქალაქის “კრასნაია ზარიასთან”.

“მუშა”, 31 აგვისტო, 1938 წ.